

# SARS e tla hwetša tefelo ya sekoloto sa R15m bakeng sa go se lefelwe ga PAYE, VAT

**20 Agosetose 2021** – Ditirelo tša Motšhelo tša Afrika Borwa (SARS) di hweditše kahlolo ya selegae le taelo ya go thopa ya go tlhomela dithoto go tšwa go lefelo leo le ngwadišitšwego la khamphani ya malahla, Shefa Group, ka maitekelo a go hwetša sekoloto sa motšhelo sa R15-million.

Sekoloto se sa motšhelo se nameletše ka lebaka la gore molefela motšhelo o rometše dipušetšo ntle le go dira ditefelo dife goba dife, ka ge go hlokega go ya ka molao, go SARS, Se e tloga e le tshelo ya molao.

Khomišinare Edward Kieswetter o rile: “SARS e tšea magato a šoro kgatlhanong le dikhamphani tšeo di gogelago bašomi metšhelo gomme di palelwa ke go lefela metšhelo yeo go SARS, ka ge se e le taelelo ya semolao.”

Khomišinare o tlaleleditše ka gore metšhelo ye e swanetše go lefelwa bakeng sa fisikase gomme ga se ya khamphani goba ya balaodi ba bona go ka hwetša kholego ya mong goba ya kgwebo.

O tšwetše pele ka gore: “Mo dinakong tše tša tsošološo ya ekonomi yeo e kowafaditšego ke bošoro bja leuba la Covid-19, mmušo o hloka ditlabela ka moka tšeo e ka di hwetšago go thuša bahloki le bao ba šaparegilego le go fana ka kimollo ya motšhelo go dikhamphani tšeo di obamelago. Ditebo tša maano a rena di tloga di hlekile. SARS e tlo nolofaletša balefela motšhelo go obamela, eupša gape e tlo thatafaletša ke go lefiša dikotlo tša godimo go balefela motšhelo bao ba sa obamelego boitlamo bja bona. Magato a lehono, le maitekelo a rena a go tšwetšwapele, ke bopaki bja phegelelo ya rena ya go fediša go se obamele ga dikhamphani tše bjalo.”